

天

真

閣

集

天真閣集卷十七

詩十七

昭文

孫原湘

子瀟

旃蒙赤奮若

昭文

孫原湘

子瀟

胥江與仲瞿語別

一鞭同出九華門  
不分春明卷復溫  
逃學兒童重上學  
離婚老女再求婚  
驢灰五色心知味  
鴻雪三秋爪有痕  
珍重萬年橋下水  
別靈巖山影也消魂

家補雲孝廉

晉濼

楓江送別圖

一聲風笛思縱橫  
把酒看山酒罷行  
處吾曹關氣運文章  
從古借科名  
野梅落月連宵夢  
官柳如雲夾道迎  
回首楓江千尺水  
此中何限故園情

舟至丹陽水淺不得進同子侃作

千檣萬艤太紛紜兩岸青山又夕曛一枕且安鷗鷺夢四圍誰  
領鶴鵝軍人閒去住風行水天下英雄我與君會看桃花春浪  
煙片帆飛破大江雲

題高旻寺塔憶數歲時過此閱三十六載復尋舊游  
綠楊幾樹綰行舟重叩招提認舊遊絕頂風雲通帝座下方烟  
月瞰揚州何郎詩句空千古杜老登臨及百憂三十六年鴻迹  
在諸天招手喚閒鷗

淮南道中

日落清淮水亂流桂林何處小山幽神仙只要黃金鑄雞犬都  
看碧落遊手版橫腰天女笑牙門拒客八公愁何時甓社湖中  
月飛上清光照九州

泰安道中

歷碌車聲殷怒雷參差亂石怪雲堆女媧無力墜於此秦政有  
鞭驅不開骨散思教菩薩鎖頭低難學丈夫撞僕夫路熟身輕  
慣躡躋惟嫌馬不材

雨行和子偶韻

雨洗沙明雪走溪溼雲橫斷路東西蒙頭且作車中婦楞腹偏  
聞午後雞石碾雙輪磨日月山分兩界畫燕齊上林此去花  
如繡歸夢休聽杜宇啼

寓齋海棠盛開花下同子和

記得君家開北堂紅情爛漫翻春光何期烏帽黃塵底重睹紅  
紗翠裳妝好景每教思往事名花偏值在他鄉故園如此芳菲  
節扶杖何人看夕陽

白丁香

憑闌一樹月朦朧看似梨花卻不同不信胭脂空北地可憐冰  
雪耐東風塵邊心迹難移素老去春情欲洗紅我有閒愁方百  
結那堪相對客窗中

宋宮團扇歌

上鈴鳳閣之寶玉靈左有紹興小印右偏有安麓邨  
印麓邨賈似道門客也繪田家景物絕工逼真宋畫  
苑中筆當是高廟時御用之物後以賜賈遂爲其門  
下所得絹質堅厚歷千餘年如新惟色稍殷耳子和  
以四金得之厥市邀予作歌

團扇流傳宋時久翦雪裁霜絹不朽秋風冷落一千年明月依  
然落人手可憐扇作月輪圓不比金甌闕半邊輸罷歲繢三十  
萬零紝賸綺尙鮮妍水田幾稜清溪繞誰寫南朝風景好翦取

杭州作汴州西湖自大朝廷小君王避暑幸離宮玉柄輕搖水殿風不知羽蓋雲屏下何似冰天雪窖中咸淳宰相尤兒戲內家法物何年賜輕囊偏教狎客攜玉璽猶鈐紹興字一戰荆襄百事灰半閒堂上月徘徊涼風未報秋蟲死冷露先驚白雁來南渡風流贋如此中邊猶拓澄心紙可惜如珪有玷存釐卽一印難湔洗我朝仁風被八埏不求古物惟求賢寧教零落波斯市敢逐南薰進

御筵

謝鄉泉侍御

振定

楊蓉裳農部張船山檢討潘紅茶編

脩恭辰

蔡浣霞儀曹

鑾揚

約同志四十人於三月十

八日陶然亭燕集予以風雨不克與因成兩詩報謝

竝簡座中諸君子

風雨雞鳴感索居六街泥滑水成渠盟鷗儘許忘年契走馬空

傳隔日書客數公榮宜不飲人疑方朔出無車平生幾兩游春  
屐已是花閒一度虛

烟樹亭林悵淼漫諸公高會捧珠盤道闊風雅天應忌人判雲  
泥合本難曲醺定傳爲故事後期誰續此清歡西窗一硯梨花  
雨翦燭題詩只自看

法時帆祭酒席上展閱瀛洲亭圖輒題其後

一帆飛渡到蓬萊從此仙凡始脫胎百六十年科目在幾人不  
負此中來

書查初白中山尼詩後

詩爲先生遊黔時作所指似宋荔裳女翁覃溪侍郎  
據北平王景曾宋公墓志及公行畧證其非是其言  
曰漁洋集中有不得荔裳妻孥消息詩在康熙十九

年庚申之春而荔裳歿於京師在十三年甲寅墓志  
云公北上時眷屬數十口滯蜀瀕死者屢矣卒獲歸  
無一散失者蓋在公歿八年之後而漁洋作詩時未  
之知也初白此詩作於二十一年壬戌是時宋公眷  
屬已歸矣又據行畧云女一適廩生王成命與初白  
所敘似不相應慮其流傳既久爲荔裳身後一恨事  
故詳攷其實而具著之余細玩詩意初白蓋寄慨於  
六詔班飾情事非專詠中山尼尼之爲宋女與否固  
不足辨而覃溪兢兢考論要不失風人忠厚之旨予  
故兩是之爲作是詩

作詩良復難讀詩亦不易悔翁昔詠中山尼此事分明爲誰記  
首爲著閥閱次及女生平中間敘喪亂世事方縱橫貴家巨室

且如此高官不庇一女子勿論是宋女勿論是萊陽但聞滿紙悲啼聲天荆地棘皆鉤傷悔翁目擊此情事下筆撰述殊蒼黃當時不識宋荔裳寧不一證王漁洋覃溪老人真好事博采旁徵畧與志莫言海印真爲尼特表羅敷自有墮蔡女飄零何足問九原欲釋中郎恨但得詩人忠厚心便翻前案皆名論此詩本記滇池平詞旨可惜難分明何不一唱班師行

春榜放後作

泥金帖子耀春屏注定文昌第二星

省試會試俱列第二

泰岱未嫌居次

嶽惠泉何必望中冷事傳天上誇仙詠

上諭廷臣今歲進呈十卷文理俱勝

名愧人間算佛經獨對東風轉惆悵舊袍遲換十年青

禮部飲宴歸作家書寄內

陌上年年盼兩眸今番應得放眉頭無由割肉誇聞喜且免抽

豪賦遣愁歎餅尙勝牙玉脆看花敢逞眼風流寄君一語君應笑竝未醉眠何處樓

四月廿一日對策 保和殿恭紀

觚稜高捧白瞳矚黃紙宣題出 禁中一字動關天下計萬言誰得古人風危辭祇恐劉蕡驟流涕寧忘賈誼忠十載讀書先養氣敢將憤激進

堯聰

廿七日

恩賜白金表裏恭紀

金繪捧出五雲邊小草欣霑雨露鮮 頒賞非由交趾賂度支  
纔判水衡錢銘鐘事業期他日補袞勳名愧昔賢楊震算金胡  
質絹矢將清節 玉墀前

五月二日 勸政殿引 見館選恭紀

禁門曉樹排仙仗 秘殿薰風拜

聖人未敢舉頭瞻日月已同躡履上星辰身霑玉座香烟近  
名荷

丹豪點注新愧乏上林能賦手便令響筆號詞臣

十五日翰林院宣旨臣

原湘

名在第十九

黃紙宣除下紫宸瀛洲

恩許躍凡鱗三千水弱迢迢路十九名低碌碌人學士畫圖添  
不得院應杯酌院廳燕會謂諸學士曰聞高宗朝脩史有十九人時長  
孫太尉以元舅之尊不肯先飲乃取十九杯一時舉飲

自題畫梅

自是瑤臺第一籌香清骨瘦太風流任他花史間譁泊紅紫紛

紛壓上頭

耐盡霜欺又雪摧不會借力煥風開誰從玉性瑤情裏寫出稜  
稜鐵骨來

送李明府

書吉出宰粵東

李侯意氣本縱橫六月炎暉匹馬征爲宰十年將白髮長官百  
里有蒼生雲橫銅柱連烽影月冷珠江墮雁聲君去種花先薤  
莠好憑籌筆報昇平

對牀明月對銜杯忽漫驪歌馬上催五瑞慢誇高固像一琴先  
上趙佗臺海疆浪息鯨鯢徙蠻俗風清蚌蛤回莫寄荔枝三百  
顆年年祇盼尺書來

送族姪

星衡

之粵東

我來自初春汝來自初夏握手道平生聯牀共清夜事我頗敬

恭年紀實相亞同枝本情親孤懷况旅舍晨興告我別遽命粵  
東駕邁此長夏炎如何短轍跨迢迢五羊城風雀正驚怕京洛  
苦緇塵旅食太閒暇蠻鄉紛瘴雨輕身此遊乍依人計可憐欲  
罷豈得罷

汝來自初夏我來自初春丹榴旣開落又見芙蓉新遽愴離別  
懷萬里誰相親得官豈足飽爲客寧救貧昨來故鄉書大水連  
畦畛斗米六百錢兩家飢生塵墟落久烟斷途有強食人汝游  
頗孟浪我歸亦逡巡我親年七袞汝親年八旬努力念春暉各  
保遊子身

得瞿生

紹聖

還鄉消息卻寄

一紙瑤書寄遠天江湖歸夢已翛然偶通鳥語原非罪被諫蛾  
眉越可憐人世無如將母樂龍門儘許著書傳季鷺早有蒭鱸

興只等秋風下水船

聽鵬圖

綠陰選得最高枝偷眼看人側耳時寫出聽翁真意趣詩人聽  
鳥鳥聽詩

婉語閒關百轉清隔重花葉倍分明人間多少箏琵耳別有池  
塘鼓吹聲

戲題瞿菊亭孝廉

韻

紫雲迴樂府

撲朔迷離久亂真還他本色轉翻新特爲菊部開生面卻遺梨  
園自見身叔寶羊車香入市鄂君翠被煥生春憐君脫盡陳窠  
臼纔有當場動目人

菊亭自題落卷云懸無牛鬼蛇神筆那得當場動目來戲用其韻

桃笙二十四韻擬韓孟聯句體

美箭不成笛巧匠編作笙土貢致楚產方言辨吳儉左思賦親

寫韓愈貲願傾絕勝象牙製頗混鳳管名裁量竹榻稱打疊筠  
箇盛未開撲涼爽傳看誇纖輕胞殊黃琉璃滑訝綠水晶滿眼  
無瑕疵通體惟澄泓纖皮潤雨漬細辯凝霜井龍鱗氣慘慄蛇  
腹紋纏繆在冷安見長當暑方施行四角體端正萬條理分明  
埽除奴子喜光彩兒童驚春花隱可按秋水鋪乍平觸手滑不  
畱倒身眠已成如浮湘波上疑聽風漪聲體貼愈可憐轉側俱  
有情得此颯爽力反恐炎曠更洗滌本自勤塵垢何處生八尺  
碧天淨一方青玉瑩小兒膚細膩高人節堅貞蟲蟲自遠避蚊  
蠅敢爭營卷舒可小大展布任縱橫願陳 廟堂上長奉

皇居清

金蓮花

五層臺見五層霞臺上重臺發異葩直是布金成世界非關祝

鉢涌蓮華仙人一掌承清露學士雙燈撤絳紗自奉  
宸游歡賞後赭袍分染

玉皇家

雜憶寄內

賣冰聲過小胡同隔院燕脂返照紅我是五湖鷗鷺長自溫清  
夢水雲中

鄉書遙憶路漫漫幽悶聊憑鵲語寬今夜合歡花底月小庭兒  
女話長安

隔牆笑語送燕姬卻憶妝臺坐對時手爇鷓香吟字母齒音清  
胞帶京師

觀音齋過罷燒香白小登盤潔似霜忽聽輕雷塘外起食單新  
忌報厨娘

如星黃月暗房櫳怕上銀燈一點紅小朵鬟華香沁骨謝嬢頭  
上過來風

年時相約拜雙星小扇輕衫倚畫屏嬌女唐詩新上口夜涼先  
背阿嬢聽

料應錦字付瑤梭摺向雕奩一月多半角銀灣雲抹斷夜明簾

底注橫波

秦家風調竇家情苦爲離鄉太瘦生閒坐玉堂歸不得悔教風  
引到蓬瀛

洗硯圖爲子和作

紫雲一片簇龍鱗日喚奴星滌濯頻守默漫誇如老子洗心纔  
顯是端人雪溪可愛宜休沐墨海能澄見性真安坐西曹書判  
罷冰襟與爾共無塵

六月廿四日梧門祭酒招同謝薌泉侍御楊蓉裳農部

鮑覺生宮允

桂星

吳蘭雪博士

嵩梁

徐星伯庶常

松

遊積水潭觀荷放歌示蘭雪

瀰瀰渺渺水似天搖搖曳曳車似船蕭蕭騷騷葉似雨隱隱約  
約花似烟我來長安揮玉鞭看花只解春風顛黃塵滿眼苦不  
耐逕思歸去滄江眠昨宵夢乘一葉蓮吹簫濯髮爲飛仙醒來  
先生恰招我驅我故鄉烟水置眼前白鷗飛飛宛如夢中識只  
少花外幾曲菱歌傳清風吹入沁肌骨碧天有界香無邊我非  
逃暑暑逃我白日如月當秋縣安得一船橫盪花四壁臥看花  
神弄月如珠圓坐中吳郎色自喜踏月看花幾度矣不知是月  
還是花一片空明色香裏三更四更爲花起五更蒼茫月墮水  
滿天風露不肯歸願抱清香爲花死吳郎有此眞性情宜爾詩

思徹骨清偶然落筆欲仙去紙上拂拂花香生蓮花博士稱爾  
名意氣兀傲凌公卿鑑湖賀老薦不得頭顱照水愁雪明吳郎  
對我笑拍手那知此事且飲酒但須種蓮滿湖酒滿甌與爾同  
輕萬戶侯

平叔弟

爾準

邀遊尺五莊小飲

畧帶江南意詩情便爾生野花脩近水小雨勝初晴客久始知  
趣歸遲猶嫌行新涼且深酌六月有秋聲

獨坐

獨坐偶不適時還思誤書人情隨物變天影共心虛無累須奇  
福能閒卽隱居青天雷隱隱多少貴官車

寓齋卽事

小庭疊石仿煙嵐人海幽深古佛龕一雨芳花青亂灑年來風

氣似江南

溼天涼影弄晴霞  
畫出清秋景物嘉  
刪卻半庭書帶草  
小紅新萬數叢花

有寄

歸期原約海檻開辜負菖蒲泛酒杯  
京洛一官如客繫故人千里少書來  
閨房最妬明誠福弟子終慙逸少才  
料得水晶宮裏事玉臺雙笑語金臺

送子和比部扈蹕奉天

人生何事最快意貴後重經舊遊地  
况在勾陳豹尾閒山川雲物皆新氣  
君昔東出山海關相如作賦詞斑爛

先皇駕幸舊豐沛稽首拜獻瞻

龍顏回顧從官憲遴選煌煌文綺中  
官頒是時先君治郡事喜

覩快婿蒙

恩還一時賓從盡相賀絕勝滕王閣賦誇子安二十八年事如昔當時少年今髮白羨君簪筆登玉堂復入畫省爲曹郎去年賓興慎主試君奏寶殿詞鑑鏘

天子曰咨汝臣燮汝持玉尺衡豫章歸來奏對尤稱旨聲名奕奕垂巖廊今年

龍飛正十載上

陵盛典遵

先皇百官羽林悉陪從君以秋憲參班行遼東父老扶杖來昔時書生何壯哉重登遼海亭再上儂人臺千年老霍舊相識亦復盤空囀唳而徘徊若過清風司馬署尙應認得題詩處雪泥鴻爪豈偶然至今粉壁紗籠護驂騏屬車定有詩一洗寒瘞

書生辭采風倘及州官政竭取羊公峴首碑

吳兼山參軍來都謁選出示見懷之什次韻奉酬

百年何苦盼賚金我愧名山入未深一品官場同傀儡九遷宦  
海總浮沈更堪充隱除仙尉肯可爲郎賦上林手版足鞶京洛  
道詩人未了濟時心

九鐵僧寮與兼山秋語

橐絲衰竹近中年過眼春痕水上烟一窖黃金新鑄佛半牀青  
史小游仙引人入夢偏胡蝶勸客歸田有蜀鵠暢好尙湖秋萬  
頃幾時同上釣魚船

驅卻青蠅百事宜石幢松影下深恩客磨詩裏花同瘦秋到人  
聞佛不知萬葉盛衰先有信一蟬哀怨總無私紅塵白社雙青  
眼如此相看得幾時

再過九鐵僧寮拈前韻

秋光如此送流年舊夢零星拾墜烟無藥可醫天下俗有金難買地行仙冷官暫住同秋燕歧路思歸託杜鵑身到蓬山成一笑幾曾真見藕如船

談既縱橫默亦宜冥冥秋氣隔垂恩一身小疾間方覺萬事先機靜始知地僻塵沙終易埽樹高雨露亦多私他年走馬應官去記取焚香坐隱時

秋懷

如此紅塵裏秋聲不可聽晴光仍爛漫生氣索飄零得意花如醉無言石自醒長安黃葉滿幾樹是冬青

聖駕東巡

盛京祇謁

祖陵禮成恭紀

擬古樂府十章謹序

臣伏見

皇帝陛下宅位十載參天貳地握符闡珍觀  
列聖之耿光造億禩之樂闡旁作穆穆旦明不寐率  
祖尊

親之烈盛憲章稽古之政脩勝殘去殺之化成懷保綏靖之惠  
沃厥濡仁涵義者八紘沈潛四澥濯沐殊鄰疏族貢珍  
偕來

皇帝迺念惟

祖宗肇邦受命佑啓我家用能累熙洽承顯懿蹠踐軒庖之場  
欲吐姚姒之響思有以崇

德報

功

推恩錫類上答

列祖在天咷降左右之眷下省臣民政俗律度量衡之同維秋  
七月

時邁於東展事

三陵纘舊服也

宸儀邃穆愛慤咸致洞洞乎屬屬乎禮備樂舉清寧象昭還蒞  
陪畿班朝賜酺

達孝所暨萬福畢從卓哉煌煌

繼述之德跨轍亘古至於所過升柴肸鑾道減租懷柔百神  
誠和億姓所以運化權垂軌物篤祐承慶經綸萬樞者  
尙數十事雖雅歌生民頌奏清廟曾何足方喻

盛典對敍

閑休顧臣 輕薄遭遇

徽禮仰瞻

聖上淵冲默運於兩京山川城郭以及臣民庶物  
珥節諮詢低徊不忍去默契

累世開疆拓土方正肇域之駿烈追懷

前寧譽髦思皇惠懋救寧之大勳卽事

搞吟往復諱諭以式

明訓以迪丕丕基臣誠不自揆輒欲覃精潤思宣昭

鴻業竊稽古樂府所載有重來上陵二曲藻被金石爲漢上陵  
食舉樂府夫炎劉已事德不稱禮而相如子雲孟堅之  
徒猶遠希猗那濬哲思文之什以馳騁往牒震曜絲祀

矧臣恭逢

聖哲聖聖之私等於蟲鳴階砌不能自休謹采古樂府譜調有  
合者十章仍其舊目著爲新聲未敢謂發揚

麻光傳示無極竊附籥工之末謬續康衢之謠庶令備孺轅童  
諷詠流播冀有述於萬一云爾謹再拜稽首以獻

初秋撰辰

發軔畿甸順乾行循羲典也嘗練時日

練時日開瑤闔霧雲麗羲輪黃

駕雕軫六驥驥揚金變拖玉瓊蔭華蓋建太常風清甸澍灑疆  
招搖指析木鄉大瀛絡高山防衢尊設豐年穰金根車

豫且康

駕至 興京朝鮮遣使表請  
起居

德威遐暢文軌大同也當應聖期

應

聖期六服至樹領吹蠡東國使微臣表請

陛下萬萬歲鼎大可觴永錫類

皇帝曰咨汝東藩世脩汝職永勿諉轉桑焜爚

光被新鯨波瀲蕩

恩無垠沐日浴月瞻

聖人

三陵展禮備物升馨隆報本光

孝治也當絜誠

孝孫絜誠闕宮恤兮於皇

列祖詒謀翼兮瞻仰

永陵啓運蒼蒼肇基王迹幽居允荒瞻仰

福陵天柱峩嶧天作高山岐陽式廓瞻仰

昭陵隆葉龍從此維與宅豐垣攸同

孝孫淮止既匪既敷有穆其容有愴其色於萬斯年瞻依何極  
列聖造邦

謨烈懿爍川原勝迹

諸覽靡遺溯

開基永

敬承也當聖人出

闢門潭

聖人出薩爾滸

王者烈松山杏山風雲屯十三効甲照耀東海瞰小白怒奮大

白如追奔思

王業

王業殊艱難守成永固苞桑安神榆之樹奕葉真龍蟠

兩京風俗之美德產之富甲於四澥

鑾輿循覽采幽風圖無逸也當時邕

民熙熙時邕邕白山之西凌河東京闕相望冠蓋從何以禦寒  
貂鼠襦何以飾屨烏拉魚五絰之襆徑寸珠天珍地寶無時無  
帝曰咨汝民念乃祖父力呼蘭以爲炊霞綳以供織

先皇紈衣革韁始開國予與爾民共寶此儉德

御盛京崇政殿班朝錫宴大和會也當嘉胙樂

錫嘉胙班朝儀羣臣奉爵上壽

聖人南面而受之十亭前二木下舞角觴奏需雅羽瑩大賚光

院錢騎將軍湊窮芳鮮璆縣瑁朱鏗以宣在鎬愷樂頌

萬年

望祀神山北鎮東溟咸秩懷柔百神也當帝臨

不咸高山天所作醫闇渤澥左右相環絡脈延龍氣蜿蟄而磅  
礴 神京拱衛億萬年長男鎮位扶坤乾青牛白馬沃爵虔旃  
蒙歲

帝親臨溟不波山爲霖百神趨咸受職視公侯廟翼翼

乘輿親奠功臣墓其餘懿親勳戚分遣祠官往爵勸有功也當

象功舞

名世際會風雲開英姿颯爽酣戰來精靈返箕尾毛髮圖雲臺  
炳蕭艾酌醪醴崇有功

詔佑啓佑啓爾後人象賢如先臣銀潢下注作霖雨長白世世

生甫申 國家之寶惟仁親

推恩行慶

澤溥岐豐廣錫類也當昭慶

湛露降昭慶長混同暉綠同汪洋黃童白叟頂薰香

帝之來兮滋蕃昌 龍旂返兮雲飛揚懷吾民兮觀日光咨爾  
父老兮殷予望予永眷兮維梓與桑珊瑚鉤礪甞芳祿粉榆鄉  
鑾迴告歲格

廟受朝

奏天儀慶禮成也當宣受命

鏗鯨魚發華鐘

帝車迴杓臨紫宮卿雲孔縵職瞳曠秉鬯

太廟格

祖宗開 明堂羣瑞輯從官

賜爵一級所過州郡蠲貸助不給太史簪筆書

皇帝十載秋七月逮於十月之吉

大禮告備

孝治允洽

聖繼

聖哉神人慶哉

宣受命哉

又恭紀七律三十首

王述開基肇大東

文孫堂構邁家風十年

宵旰重熙集四海車書累譯通

清廟已看隆

孝治

丹陵猶復厪

宸衷

一人纔動松楸感早合歡心萬國同

報本常懷祀肅雖每於霜露動

天容粢盛隔歲占邵稷穰桷頻年仰景松多士習儀鸕鷀序祠  
官備物牲犧供瑤緘典禮精誠甚

丹詔前期戒秩宗

天作陪京勢駿厖九秋雲物盼鸞幢虞巡八月頒新令周  
室三分溯舊邦幽館造舟歡已動越裳遵軌氣先降山川喜奉  
宸遊近瑞色晴開暉綠江

神畿

輦道儘倭遲節路墳街俗阜熙望

幸盡歌

王豫諺起功爭詠子來詩柔乾効順知河伯榆塞清塵得雨師  
大吏視塗頻入告彩虹影裏佮 燕旗

奉先神殿啓瑤扉

鑿馭親辭寶篆辭六合有秋材貢集八方無事羽書稀岐豐作  
邑

貽謀遠河洛巡行

踵武巍鳴玉

慈宮珮仗列依然出告向

庭闈

禁鐘鳴

發効初秋烟五色捧

宸輿

龍池寂靜無張樂 豹尾森嚴少後車震肅千班鏘劒

佩康莊九達擁麾旗

皇心此去先齋祓湯綱周畋一例除

黃麾紫蓋引前驅衛士持輪夾道趨碣石一峯朝

御幄灤河雙鯉獻

天厨

披章乙夜還勤政

省斂丁男盡減租龍寒秋光雖絕勝

聖情原不爲遊娛

榆關紫氣挂晴霓颯爽金礪入馬蹄海亦來朝三島近山如迎

駕萬峯低日華結彩成

王字草木生輝待

御題一路

天顏先有喜古風淳樸見羣黎

興京雲樹鬱葱佳

翠罕華旌駐玉階外國使傳朝請表  
陪都官遞職名牌地盤  
河綠重城繞天削峯藍萬笏排

步嶼

降原真氣在

觀風皇潤愜

宸懷

啓運龍提

饗殿開翠臺丹桷煥枚枚百靈呵護徵祥發

四祖憑依福祿來樹獻珍符聯若木山封顯號接中台 龍旂  
此日親承祀瑞鼎光昭徧九垓

巍峩天柱接穹旻

閔殿森嚴衛百神遙自渾河鍾

聖哲遠過白水起真人九邊勢拓周京大

一旅師遷鄉鼎新

威德

武功隆報饗

福陵錫福永千春

文皇駿烈邁周文史頌

重華繼

放勳勅甲臨關籌

睿畧威弧出塞蕩祺秋風石馬開麟用曉日

山龍散麝芬

拜瑞躬親松草茂仰瞻隆業瑞氤氳

大饗重開

寢殿明馨香嘉薦奉瑤樽盛朝禮樂唐虞上

原廟衣冠頊譽尊周頌一篇純嘏祝堯廚三日大酺恩鉤鈴

織女星同朗六幕羣歌

有道孫

宗臣

開國際艱難圖寫雲臺奕祀看褒鄂至今毛髮動伊周當日股肱殫酌勲鐘鼎酬橫草配祀丞嘗薦紫蘭封域更勞

親賜奠一時感激徧千官

極天長白渺躋攀柴望

精誠祭告頒虎踞龍蟠諸獄小乾維坤絡  
兩京環神槩曉薦  
金莖外仙霧秋開碧漢間億載

皇基磐石固周岐應愧頌高山

崢嶸雉堞靄祥烟

時邇周京駐澗瀍薩爾滌推

開統大鄂多里紀

發祥先于春瓜瓞繫陶穴萬井桑麻慶甫田

親御鳳凰樓眺望地靈精彩煥山川

清寧宮殿鬱岩峩銀棟珠題燦斗杓蒿柱豐隆思

大武松雲光被溯

神堯中天雙闕規模迴東海三關控制遙

尊履蒸蒸承

燕翼金甌永固萬靈朝

漆沮風土輦桑苞法喇威呼徧近郊  
漿獻施函原好禮符占帕格當觀交額林作几陳行幄賽斐調羹奉御庖  
午夜霞綱同列炬

天章勅取豁山抄

橋山餘慕企神皋陳設天球共赤刀  
舜玉延禧瞻鳳采

軒弧燮伐繩龍韜紹聞默念

求衣切睹物彌欽

作室勞載撫杯棬饗器重

豐功

儉德仰天高

崇政宏開寶殿義祥烟繚繞護  
鑾坡十亭待漏傳青瑣五部趨  
朝聽玉珂喜覩

龍顏霄漢近

恩承

鳳詔露華多神絃奏罷生民頌八伯還賡喜起歌

舊畿六日駐鸞車鵠立藍袍迎

翠華東國聲詩追漢代西京鐘鼓邁周家帛頌內府雲霞燦

額廣圜池

雨露加豐芑由來

文教盛環林爭放筆端花

蟠蟠黃髮覲

龍光冠鹿扶鳩拜道旁曾見

高皇臨沛邑又瞻

車駕幸南陽三多競效康衢獻二算均頒 御府藏柏露芝英  
同壽字不緣神爵賜嘉祥

顯相雖雖告

慶成盛開 嘉宴錫公卿冕涇爭受

來寧福魚藻方歡

在鎬情象服千官承饜飲交間百戲備 昇平陋他漢帝歌風

日草草新豐置舊京

禾稼如雲

玉軌經烹葵剝棗俗盈寧干箱恰慶年豐屢百室還邀歲賦停  
豈有秋豪烟蔀屋頻施春澤徧郊垌隨行自有龍眠手好繪豳

風上

御屏

羽林頒賞荷頻仍 優渥恩波大小凌防戍正嚴千里燧酬勞  
寧惜百金藤士心倍奮貔貅勇  
帝德猶懷犬馬能手捧雪寒錢賜自歡呼

萬歲徹

三陵

墨池晨露似珠流 行殿幾餘

寶翰畱日月文章輝九塞風雲歌嘯叶三侯豐京刊勒懸金鏡  
荒服傳抄織錦韁不數漢家才藻麗橫汾一曲紀遨遊

錦闈

天仗列森森轉 蹤風光暢

穀林

玉殿遙瞻三輔迴

珠邱迴望五雲深 旌旗早慰羣僚眼

弓劍猶繁

至孝心跪捧香花關內外人人爭盼

六飛臨

北鎮醫間斗極參 北溟方位澤流覃  
非關封禪翔黃鵠特展

明禋

駐玉驥

穆駕不辭勤省覽

禹功寧爲逞幽探 翁河柔獄

天威震大地都教湛露函

皇都 綵仗萬民瞻

受福歸來喜氣添 露洗寒花迎鳳蓋  
風梳秋柳拂龍幡

階預整朝儀肅

九廟重申祭告嚴正是授衣冬令節

溫綸挾纊偏窮簷

禮成宣室紀瑤緘

恩詔輝煌舞鳳銜

萬壽無疆寰宇頌

一人有慶兆民誠祭脩畢陌前型紹朝就豐營古憲監歌罷自  
磨歌赤鴈小臣珥筆和

韶咸

天眞閣集卷十七終

常熟劉光德局鐫

天眞閣集卷十八

詩十八

昭文 孫原湘 子瀟

上大學士朱石君師四十韻

今代論賢相如公乃足當遭逢眞

聖主簡擢自

先皇夙仰宗工望欣乘至道昌風雲從岳牧日月嬉虞唐凶德  
誅檮杌良臣應鳳凰鼎茵隆四輔台袞寵三梁抗議過張禹私  
憂薄孔光龢平扶氣運忠鯁植綱常治亦參黃老儒寧襲馬匡  
鴻飛殫翼弼牛喘察陰陽東閣絲綸美西清翰墨香元功勤吐  
握餘事近文章杞梓金墀貢珊瑚鐵綱張才慙萌弱中筆勉  
繼長楊穎脫錐囊出名探夾袋藏揭曉後公率領午門謝恩獨於衆中呼湘曰此江南士也淵原由宿世顧睞異班行數歲時隨先君需次京師僕公旁屋而居公與先君交甚密謁

見詢及家世驚曰卻憶隨親騎相攜入  
此吾故人子也

帝鄉問奇楊子宅買

夏晉公莊竊喜高軒過常窺短几旁韻令通轉注字敎辨凡將書素沈雙鯉音塵易廿霜裏戶勞績著把臂故人亡葛帳寒誰卹銀袍志幸償少曾居廡下今果列門牆曉履停深雪晨餐到後堂侯芭堪易授陸氏諒莊荒賦荷誇鸚鵡裘蒙解鶴鵝廈辭懲險怪僞體禁俳倡敢道傳衣鉢頻邀賚酒觴奪標憐小宋撫座惜封郎素節驚蟾闕青霄盼雁翔思歸知囑指準假慰離腸公時掌翰林院荊璣重申語瓜期豫戒忘臨行猶目送下拜益神傷願保夔龍養榮承雀鹿祥甘調伊尹饌巧補仲山裳靈壽先生杖神芝卻老方南還依定省北夢戀廢颺時雨均霑被春風切奉揚師恩殊未報況是國恩長

鼂錯

不作一身計惟知七國謀既爲賈誼何弗薦條侯臣隙參商  
起君心日月侔寧容屏人語喋喋殿西頭

書范忠貞畫壁詩卷後

藏瞿菊亭孝廉家

噴不盡侍中血嚼不爛常山舌耿耿獄中字不減齧不碎張巡  
齒斫不斷齊雲指日日淋漓詩滿紙逆藩兵彌督臣弱不能縛  
虎爲虎縛三年黑土目無見一片粉牆心可託暨儒目論喜掉  
脣病公不能先制人公亦自稱誤國臣報國惟此無能身公豈  
無能實無力人不識公

帝自識兩字忠貞日月光百篇幽噴冰霜色宋有正氣歌明有  
浩氣吟三人一氣詩一音三詩鼎足三仁心千年煤炭作寶光  
上浮碧血風吹香瞿翁得之西廠市破爛不完十一紙裝成行  
篋誇示人寶之願同生與死翁乎前身得非武夷子

菊亭譜曲圖

眼前餘子徒碌碌獨背西風自製曲六十四歲老孝廉三十八  
年舊科目不能玉堂作神仙不得銅符受民牧青鞚日踏輶紅  
塵往往逢場戲竿木淺斟低唱宋子京鐵板銅琵蘇玉局元百  
種外種別傳湯四夢間夢可續人言折齒謝生歌我道春聲阮

郎哭賣賦年來充橐金煩老公然置燕玉

菊亭新置筵

但令紅囊盡

鳥絲焉用官袍製章服吹簫自付雪兒歌按拍還教雷氏讀織  
手玲瓏記紅豆老眼摩挲對黃菊多少金龜賦蛩朝輸與先生

此清福

假旋示都門諸君子

冠蓋如星簇畫輪春門外送歸人還鄉非敢誇新貴籌國  
先應讓大臣回首五雲誠戀闌關心九日倍思親

君恩豈但文章報去住風前各檢身

手脫朝衫散紫烟蘘鱸詩思已飄然儘教靈運先成佛宵學淮南浪鑄仙丹竈白雲營子舍青山紅樹等歸船一繩下水秋鴻影還望長安在曰邊

德州謁淵如前輩兄

勗酒看花昔夢清高齋重見鬢絲明校書東觀論前後索句西堂愧弟兄金石搜殘秦古字風雲化出魯諸生何時手擷湖蘋紫秋草祠堂拜長卿

時方謀建孫子祠于虎阜

題平叔詞稿兼寄秦南茂才

鴻儀

同破遙空雁影雙同歸秋興木蘭艤一池春草慚靈運七寶樓臺讓夢窗巢鷗海棠燒短燭徑皴霜菊鴻深缸微雲山抹秦家句苦對龍山憶皖江

慧山下別平叔

明月已如此孤帆吾欲開萬年終似電百里况同雷  
秋草叢殘卷晴湖濺灔杯九龍山九曲九日九腸迴

哭從孫天長

吾兄垂六十僅有此孫枝宛轉依衰祖聰明勝衆兒同眠知冷  
燠病目賴扶持今日思量著西河淚若絲

汝父年三十槩然一病身慰情惟孺子課讀共閨人視疾吾常  
到呼翁爾最親登樓今寂寞不忍坐逡巡

記得公車發門前送我行牽衣詢去路屈指算歸程兩月睽南  
北千秋判死生長安看花日爲汝淚縱橫

十七年前事傷心此不殊無端雙鳳折幾使兩瞳枯玉樹遭風  
雨金環寓畫圖今看此遺挂舊恨觸童烏

讀史

默坐焚香對古人不知誰是我前身世皆欲殺才方大俗皆相  
憐品未眞寧使揶揄遭路鬼漫將幽滯仰錢神寂寥自有千秋  
事莫管桃花門好春

野泛同毛壽君徘徊竹橋丈墓下時壽君歸自粵東寄  
居僧舍

身到鄉關百事間遠尋秋思渺瀰間黃雲滿眼豐年至白雪盈  
頭老友還有淚不禁霑宿草無家只好住空山與君且訂寒鷗  
約來往蘆花水一灣

飲集芙蓉室

故人知我遠歸來閨閣清嚴次第開差喜狎鷗盟水渚漫誇倦  
窪下蓬萊消磨文酒多閒日主長湖山未易才如此清歡宜盡

醉燭花挑落重徘徊

秋窗讀易

秋氣尋空來萬葉震疎響  
乾坤肅然清至道與秋朗非秋感秋  
心元微析冥想畫破天鴻濛不識太虛象  
涼颸啓前窗古桂懷幽賞易理在於斯吾神與之往

壽君以明鏡珠胎硯見貽報之以詩

珠江采采雙明月貽我清輝出繡囊  
祇覺形容增老大未忘結習在文章  
千秋治術須金鑑一代成書在玉堂  
珍重故人期勉意研磨心力敢拋荒

畫梅寄蔣伯生少尹

因培

黃河北去雪漫漫絕世才人老一官寫與銅阬一枚  
畫表情如在故鄉看

冰豆腐

瓊漿本似玉壺澈凍極誰知反不凝鬱結心思生萬瓣疏通肌理透千層嚼來碎雪原無滓漫入溫泉尙有稜配我腐儒粗糲飯頭銜剛稱一條冰

水煙筒

龍牙新製小金筒二氣潛含一竅通欲縱火攻曹壁下先教水灌晉城中氤氳別擅相思味呼吸方知既濟功終日隨身誰與稱賣珠籬娃埽花僮

蘭皋賀余登第詩有名高偏不占龍頭之句次韻奉答  
三首

看花歸日馬應愁載得郎君第二流合讓埽看人吐氣高盤龍髻立鼇頭

瀛洲也算列仙家，煉到黃金事尙賒。  
手折杏花成一笑，今生脩不到梅花。

我是過江溫太真，蓬萊腳下儘容身。  
勸君莫羨芙蓉鏡，萬事難爲第一人。

馬詩

志士老牖下，名駒在空林。  
共惜百年短，徒有萬里心。  
酸風折銅骨，高柄排銀砧。  
傳聞果下騎，踏煙大幕陰。

對雪漫興

寒氣忽收元氣盡，千家萬瓦白茫茫。  
直疑富媼開銀汞，頓使齊民坐玉堂。  
照眼縱添花炫耀，轉頭已化水汪洋。  
老梅自挺冰霜骨，不藉天公爲助妝。

觀小女若霞寫梅

冥冥紅雪月黃昏爲護狂香早閉門開到十分全盛處女兒簾底已銷覓

張夢廬太守

鳳枝

萬里一歸人圖

邊庭報奇事一夜烏頭白太守氣如虹萬里如咫尺歸來兩鬢風颺颺韓中猶插雙吳鉤兒童索取龍荒月笑指天山雪滿頭

梁溪張文恪公壽芝五葉圖爲夢廬賦

尚書奕葉長清門親見桐孫又抱孫四皓鬚眉邀

帝眷二疏骸骨重

君恩喜從圖畫看前輩妙有文章式後昆第二泉邊芝五色勝如仙李大蟠根

合浦真珠曲

冉貞秀貴筑人適南籠張太守靈顏殊瑩父母以爲

奇貨構端索擾太守遣之貞翦髮自誓貴陽守徐按其事徐夫人召入察其志堅諷張復納焉無何值仲苗蠢動太守被逮且不測復遣貞貞曰立黔江干伺閒與太守決太守謫戍伊江以貞寄其戚榮陽署越歲致書榮陽君偶不及貞貞本思憶成病至是銜恨遂雉經卒貞之復歸張也洪禪存學使爲賦合浦還珠詩余更名真珠曲世有采風者可以觀矣

盤江圓渦清照骨老仙踏龍採明月鼈鼈噓喻海市陰神娥抱玉寒波心綠雲墮地釵股折湘竹啼紅字不減風吹破鏡飛上天手綰虹霓作鸞結蟻蠟擾亂春空雲雷霆下擊元真君芙蓉漂流繫萍梗自宮自弄金環冷洞庭奇樹春無聲迸落紅珠散秋影玉蟾夜滴海水乾煙蘭露葉啼朝寒真珠小嬾返青廓潛

英不動輕紗幙

養氣歌

前古後古閒忽然中有我我生天地中究作何事可日華在東方扶桑赤如火我欲往從之氣力苦相左大海何茫茫紅蓮作單舸荷葉以爲帆荷莖以爲棹不敢相擣持隨流任顛簸黑風鼈背來吹我羅刹墮吁嗟下民溺賴我拯其禍如何自浮沈兩腳踏未妥萬事在眼前雙肩不能荷昂然七尺軀眇若一蟲裸許身稷离事大氣足包裹養之若養苗致力戒偷惰一息不外散塵累空細瑣放之六合彌談笑了叢脞如劍韜其鋒如花炤其朵如珠舍蚌胎如黃孕雞卵鍊此不死藥丹田結丹顆勿負蒼天心生我白日坐

洪穉存前輩出示探梅銅吭西磧潭字韻詩戲和一首

兼訂上海桃花之約

平生不識西磧山梅花笑我居江南屢商驢券事不果花時風  
雪關茅菴先生示我花下詠風吹滿紙香醃醃挑燈細讀發狂  
叫逕欲呼取籃輿籃繁花已落月尚在美人待我山之嵐青枝  
綠葉可把玩勝如紙上畱空談燈花靜綠寒意緊詩竟已落支  
公龕白雲前行導我足山徑曲折窮幽探千峯萬峯一色白香  
雪塞破天蔚藍冰花箇箇不肯落破例開過三春三天雞一聲  
窗上白依然布被如眠蠶起來復取詩痛讀如聽人說江瑤甘  
悔不早拍洪崖肩徒然夢學師雄酣豈惟梅花脩不到脩到山  
中蛺蝶猶癡貪山靈有意縱招我面目自對空枝慙中行不得  
且其次一笑去訪桃花潭

贈陶學博士

廷墀

五柳先生後其人必洒然弟兄天下士夫婦地行仙吾邑文章業公家奕葉傳久知昌化德

掌元

重以太常賢

靖

踵武詞林後

貞

題名蕊榜先嘗思馬湖勝一受泮宮旣出處希彭澤聲名埒鄭虔鄉評推一鶻教澤被三鱣令子吾同歲脩文惜早年幸餘雛鳳好又卜兩鴻鵠晚節彌貞固孫枝況秀妍魯靈光殿在長此

奉華顙

神仙樂

瓊樓夜半虹梯收海水滴酒星爲籌鷓絃弄春煙君骨天宮不識人閒秋紅羅作書迓天姥禊鬟踏煙通隱語鉢車碾玉雲無聲薄霧壓花成細雨斫榆煮鹿吹濃香金烏不敢窺燭光鸞衾抱月選春夢石扉瑤草驚繁霜

送言明府尚煥之官瓊山

去年李侯小之廣州與君送別天橋之酒樓南望海中大明月  
恨不身騎蛺蝶羅浮遊木縣素馨同一邱君今亦作南中侯手  
綰銅符下天闕詩情已落琵琶洲瓊州古珠崖海外神仙處其  
木是沈香其花是瓊樹其民淳且樸金銀委衢路使君往下車  
蛟龍息煙靄男獻檳榔盤女獻女兒布明珠及璠瑁一一充租  
賦使君教以絃歌聲甌粵之俗爲武城民不知使君家法本如  
此但言使君爲政清去年李侯至海賊多如雲今年海氛滅海  
珠迎使君使君奇福天下無乃祖百歲嬰兒膚乃翁七十頭未  
皤使君獨奉慈親輿以孝治民民感孚明年六月南風長家書  
只寄鮮荔香乃翁跼奉乃祖嘗報書還投海中魚努力愛民莫

寄書

在翰林西堂畫梅四幅暇日各系一詩

瘦枝無力臥彎環絕似疏籬野水間記得玉堂清夢覺郭熙屏  
上看春山

一官無味滯京華火繖當空走電車閒寫江南數枝雪勝如觸  
熱到人家

日下鬱蒸逃不得偶思梅萼頓清寒無由手拂南窗雪對著真  
身畫與看

惆悵尋春杜牧狂歸來風落一林霜枝頭梅子都零落臘有娟  
娟畫裏香

洪穉存前輩過訪畱宿荒齋同遊虞山二首

一葉紅蓮白鷺迎入門奇氣自縱橫爭看絕域歸蘇武久已名  
山待向平鬢上雪花來朔漠夢中鈴索憶西清開尊共翦西窗

燭真箇詩成萬戶輕

木犀香裏去逃禪布韞青輶一老仙筆健每題丹嶂滿身輕常  
在白雲先覓窮泉脈無人徑處坐松陰不漏天笑語山靈須認  
得祁連嶠雪舊忠宣

哭九姪阿鴻

一門羣從十喜見汝瞽親萬事難全盛無端少一人病來殊卒  
遽藥治太因循畢竟庸醫誤徒勞問鬼神

每來頻聽汝誦讀最聲清踴躍先呼伯聰明實勝兄泥人書倣  
格索母畫棋枰小閣愁重到經書滿几橫  
汝兄萬里外昨日有書回道汝清姿勝知親笑口開重慈同一  
哭少弟竟先摧還報瞿唐信江天獨雁哀

玉雪童烏貌居然活卷中細看仍不似悲憶更無窮展側呼難

下精冤夢可通汝耶纔四十努力盼非熊

哭怡雲姪

文栻

猶子偏憐汝曾居弟子行有聲稱族黨無命入膠庠風雨心同契煙霞事共商竹林相賞意豈獨在文章

近歲猶耽學從予授說文丹黃看竝下點畫喜籲分橐筆從爰禮停車問子雲縱橫遺墨在空鎖一廬芸

我宦京華日書來報病深兩離同折損一豎苦頻侵疾痛翻求死蕭條更慘心數行思子淚伏枕尙哀吟

久病終無命支離冀暫延尙扶孱骨起強慰老親前有女將書付無兒望弟賢臨終悲咽語繞榻共潸然

正是花生日偏逢命絕辰園林紅似淚泉路黑無春或竟游三島何從問九旻年年桃杏節爲汝一酸辛

汝婦悲思甚生綃託畫工夢猶期白首神不轉青瞳一見緣真  
斷重泉穴許同手調薑與橘嗚咽奠秋風

仲春望日偕內子道華爲武林之遊舟中偶成

偶譚西子湖頭月便喚東風渡口船春水勸人宜速去桃花與  
我有前緣金箱五嶽須閒日畫舫全家卽散仙大好烟波隨處  
泊白鷗一一酒尊前

鶯脰湖

十年不過畫眉橋橋畔垂楊似手招鷗鳥白憐春水滯桃花紅  
受夕陽燒喜溫前夢途猶熟貪和新詩日易消笑倚閨人同瘦  
影自憐仙骨愧文簫

陳範川同年

鴻墀瀛洲歸娶圖

築玉人深種玉緣玉堂歸省撤金蓮一囊分得芸香俸便抵黃

姑下聘錢

蓬山遲報海雞籌八尺香衾擁麝簾賦價早朝心事在合歡牀  
上夢瀛洲

照映湖山蜀襯袍兩高峯對鏡臺高脩完青史脩眉忙殺郎  
君五色豪

項秋子墉招飲卽席呈穀人前輩並示同座諸君

碧桃花下鬥飛觴春氣濃熏齊麥香北斗七星團一座東風三  
月醉千場古歡恰許新歡續前輩能容後輩狂忍說明朝挂帆  
去閒庭且共立斜陽

范鐵琴秀才來鳳五嶼讀書圖

坐擁書城自閉關嬌娘祕笈手親刪中川孤嶼如萍小抵得東  
南宛委山

上巳日過錢梅溪草堂脩禊

春帆冥冥細雨飛落花滿船香溼衣竹搖青烟茅屋靜主人候  
我開雙扉開門正對苑山碧山普主人來勸客江鄉風物正美  
好櫻珠墮紅筍芽白去年同醉長安陌陶然亭西水一只梧門  
先生折簡邀君塾角巾我著屐今年卻聽江南雨回首燕臺莫  
雲隔清尊到手且復乾桃花笑人酒腸窄明年知復在何處轉  
眼新歡又陳迹願君自酌杯中醞興酣爲我書蘭亭君邀我作  
延之詩我索君仿王羲之墨花縱橫筆花舞君書我詩各千古  
毛壽君歸自粵東索題菊尊清話圖乾隆乙卯君過粵時方薰所作贈行

卷

話別當年酒一杯送君遠上越王臺杜陵貧賤長爲客庾信文  
章老費才舊雨題詩誰健在卷中園公竹橋雨前輩俱歸道山

來不堪把卷重溫讀且對黃花笑口開

歸棲竟似失巢禽老寄禪房落葉深

時君寓居僧舍陶令已無三徑在

駱丞猶耐九秋尋花田烟月頻年夢蓮社鐘魚此夜心卻喜尊

前詩筆健茱萸重爲白頭簪

秋興

聞道西師趣辦袞桓桓虎旅出咸陽關中萬騎若雲集天上一  
星如尋長米賊尙傳逃蟻穴水仙誰與折鼈梁獨憂

聖主宵衣切丙夜軍書滿

御牀

東南水旱已頻仍螢螢秋來又滿塍鄉戶淚乾難望穰縣官心  
急待催徵大家盡作居奇想中市新聞米價騰偏是海壩多乞

糴官符朱印總堪憑

海盜告羅多持官文書藉稱兵采

和小倉山房集中詠物九首

鏡

妝臺一笑睹風神  
身外誰知更有身  
金鑑能包天下事  
玉顏難鑄此中春  
心頭自覺常懸汝  
背面從來不見人  
那得秦宮舊明月  
盡將肝膽向君陳

簾

宛地湘波蕩欲開  
垂垂銀押恣低徊  
儘憑月影花香入  
未許遊絲落絮來  
小節似多疎漏處  
全身自有卷舒才  
金堂內外分明甚  
韓掾偷窺莫浪猜

牀

溫柔鄉與黑甜鄉  
只在逍遙此一方  
八座起居終要息  
六時勞頓可無償  
也如夏屋入頻換  
會得春風夢幾場  
爲喜合歡名字

好紅燈籠上便思量

燈

雙雙珠蕊結銅荷喜報來朝定不訛萬事求難暗中得一生功  
補日閒多光分貧女當窗織絲助豪家徹夜歌我願天風盡吹  
滅救他人世衆飛蛾

扇

冷面偏逢熱客場能教熱處轉清涼青天忽墮懷中月赤日疑  
飛掌上霜儘有塵緣難障蔽本無愧色莫遮防秋風未起身先  
退篋裏君恩倍覺長

尺

銀寸紅牙粟細排黃鍾玉律製容臺短長不用言爭論方正能  
爲物主裁容易算完天土度斷難量準世閒才煩君鎮定閒書

卷莫任斜風亂揭開

杖

空山何處去尋詩折取紅藤瘦一枝直上漫誇惟我健臨危始  
悔用君遲驚心漸覺孤行怯得力多應老去知誰似頑仙偏倔  
彊生來從不要扶持

帳

珠幃瑟瑟辟塵清涼月來窺薄有情內裏看人原了徹外邊聽  
語欠分明四圍能禁飛蠅入一夜難防化蝶行到此身心須放下  
黃昏時候玉鉤聲

香

絲絲清氣向空盤不是心清領畧難透出性靈隨物染吐將委  
曲與人看衣來隔院風先送花在隣家蝶掛瞞身入箇中翻未

覺祇緣滿室盡幽蘭

張雙南茂才

在錄

母夫人鳴軒課讀圖

淒淒復淅淅紙上悲風咽屋後脩竹林昔時賢母節門前楓樹  
枝今日孤子血是母與是子皆我所心折子名張在鎔積學爲  
人師母氏太原王教養兼嚴慈寡年三十五歿逾五十時格例  
不得旌孤子涕漣而手捧此圖繪徧乞人題詩匪重人題詩母  
節世未知昔我初識君各梳雙髻了君居與我居祇隔一牆花  
我甫七八齡逃學過君家君家阿母賢啖我棗與瓜繙弄所讀  
書搖曳所紡車夜分燈火下覓紙爭塗雅歸乘樹陰月城頭鼓  
三搊我母怒我出云過張子家張家有賢母啖我棗與瓜其子  
苦讀書其母勤紡車聞言母心喜笞責不忍加謂此賢母子過  
從不汝瑕忽忽四十年各非故園宅我已雙眼花君亦頭半白

展圖令我喜如過君老屋如聞紡車聲書聲與相續掩圖令我悲如還我舊廬不聞我母聲問我頃所如君思君母啼我念我親泣兩人淚斑斑千秋此圖溼

書祝子遺書後

明祝淵字開美海寧人崇禎癸酉舉人劉宗周以劾周延儒下獄淵上書挾之逮治拷掠幾殆既而延儒敗流寇逼京師有詔赦出而城已陷會吳麟徵殉節死淵爲具斂護其喪以歸時馬士英亂政擬具疏劾之未及上而南都破迺亟葬其母自經死事見明史劉宗周傳書大半與宗周講學之語及奏疏詩文共

四卷

唱罷春燈玉殿塵浙西無地著遺民上書未了陳東志報國終

捐正節身馬鬪成時兒目瞑龍輦攀處士心伸書生何與興亡  
事孔範王瑳盡老臣

當年緹騎逮倉黃詔獄沈沈繫范滂貫械不辭因李固收尸恰  
許作楊匡轂山祠閉空薇蕨西直門開入虎狼地下忠冤若相  
見一編心史話滄桑

梁星子秀才台陵茗精舍讀書圖

生不能如搨管作屋斛律金一字不識千人欽又不能如堂堂  
崔協沒字碑朝廷交推宰相爲不如還復讀我書苦無松下三  
閒廬安得結茅湖上山萬梅花擁將書攤前年艤舟葛嶺下謾  
謾風吹讀書者萬卷曾窺李謐藏一樣擬向梁鴻假湖山一角  
朝飛來展卷令我心顏開得非佛奴板牀隨樹陰抑爲任家茅  
庵依密林世閒此樂不易得十笏地值千黃金古松蟠鬱老枝

大清閣集卷之六  
十五

怒纓絡紛垂赤雲護天風卷起蒼龍吟勸人及早凌霄去我思  
攬身入畫圖手攜漢書一壺盧與君痛讀相歌呼免人喚作詭  
癡符五千卷書讀未熟慎莫輕入崔僕屋

小霞仿黃子久畫

不識桐廬七里灘胸中寫出富春山梨雲一覺游仙夢身到元  
朝至正閒

擬李太白鞠歌行

春風吹蘭碧如草顏色不如桃李好隨侯明月墮泥沙燕人抱  
石爲珍寶青琴上絃不敢彈空房趙女蛾眉老相如因狗監詞  
賦方豪雄衛青非子夫焉能脫樊籠一朝攀龍見明主噓氣如  
虹從如雨誰識當時馬廄中曳裾自埽侯門士西施天下色含  
笑入吳宮珠簾映朝雪光豔驚瞳矚當時若耶溪照水徒自憐

同時浣紗女黛綠方爭妍周公吐哺四海欽大人虎變潛深林  
吟成梁父今誰聽綠水悠悠知我心

明周玉巖先生杏花書屋圖

公名廣太倉人爲御史上疏諫武宗忤錢寧欲寘之死僅而得免謫懷遠驛丞嘗夢居一室室旁杏花爛漫諸子讀書聲琅然嘉靖初起廢官至刑部侍郎卒公子孺允葺公所居堂曰杏花書屋以志公夢歸震川爲之記裔孫某從故居遷崔市齋前適有杏花一株復得董文敏所書杏花軒額拓以顏之作圖徵詩以繹無念爾祖之義云

豹房天子匿倖臣獮鷹一觸羣犬瞋鉏麑伺途刺不得嘔囁行乞湘江濱洞庭木落秋水新幽蘭顚頷蒙荆榛鐵心灰滅故園

想夢中卻夢江南春杏花古爲及第花曲江春夢明如霞如公  
湘纍謫長沙此花何爲入夢耶震川作記解公意公豈繁情在  
科第未了平生報國心宣力猶思後人普如夢構屋公志完夢  
中花與兒孫看登堂便思公慶國杏花直作離騷蘭卽今雀市  
東頭杏歲歲花開爛如錦不是先生手植花猶是先生夢時景  
前花後花同跡鄂前人清風後人學舊額聊將董書補我詩還  
繼歸文作

結交行

刎頸爲心交奮臂遂相賊耳實先負餘餘也量何窄邯離鉅鹿  
圍兩軍若虎翼餘兵僅數萬肉懼委虎食先嘗五千人厭澤自  
輕敵餘如赴俱死於耳竟何益是時諸侯軍觀望不敢擊子激  
從代來瑟縮旁餘壁重瞳垓下戰餘寧獨無力柰何望臣深寬

子專友責一戶橫泜水一身王趙國成敗各有天天豈論曲直  
或惜井陘口不聽廣武策果然斬耳頭終亦遭漢瓦莫如解印  
綬漁獵終河澤竟卻三縣封足愧千金值

幽秀一章戲補詩品

萬象回惑素心自閒無人與期獨往空山老樹挺秀春情未刪  
冥鴻響寂碧雲孤還太華在眼芙蓉可攀游精八極不知人間

無錫華氏貞節卷

節婦陳氏元都功德使司都事華子舉之配年二十一  
八而寡撫子幼武成立至正閒予旌幼武嘗作貞節  
堂春草軒以奉母其家乞諸名流爲詩文以張之前  
明有王時彥作記文徵明徐昭法補圖皆名筆也文  
畫旋失去裔孫某屬朱右泉補之復索題詠

華君示我貞節卷令我淚落心茫然至正迄今六百禡滄桑已  
變陵谷遷共姜節義膾人口文章力大天無權文章亦易爲雲  
烟誰家世守金粉鮮後人之賢先代澤一母苦節開其先我亦  
有賢母氏族同潁川十八矢黃鵠較此尤青年楹書教兒讀紡  
績十指穿兒方釋褐衣母遽歸黃泉我有千尋木不能造貞節  
堂一椽我有五色袍不能婆娑而舞白髮前惟當效此作圖卷  
猶恐畫手不能寫出心貞堅安得王英作記文璧畫似此五百  
年後長流傳

鳳麓讀書歌

武林梁文莊相國舊有別業在鳳皇山下賢孫弓子  
祖勳屬奚鐵生山人圖作鳳麓讀書圖述祖訓也  
平生夢想西湖山突兀見此青螺鬟一窩冷翠構飛閣吟聲依

約蒼冥閒此閒曾築沙隄路高齋鈴索烟雲護花木平泉說贊  
皇松筠洛水思裴度韋平世澤誇粉榆懸巖石倉多賜書北門  
學士山舟先生挈諸阮東都士人稱少疏阿咸頰頰人似璧柱腹撐  
腸有書癖十年板牀爲減銳一卷蒲編不能釋排衙古石搖几  
青奇峯十二森畫屏攤書正在碧松下松濤合吹風冷冷元超  
撫石每涕零范喬執硯懷祖馨著書自紹姚察訓座右還奉僧  
虔銘鐵生畫手今奚獎寫出林巒致疏爽連屋縹網架石牀拂  
簷蘿蔓侵書幌我亦耽書近欲癡鑿楹自願名山往徑須手探  
玉笥巖與爾同扣雲威丈

七箴

昔程子作視聽言動四箴示人以制外養中之方者  
至矣既錄以銘諸座右復擬喜怒哀懼愛惡欲七箴

張之于左非敢妄擬昔賢亦聊以自警云爾

喜箴

養心于和惟喜當春與物無忤惟喜近仁由勇聞過回樂處貧聖聞絃歌莞爾見真彼來譽我或者庸人悅不以道勿假笑噴如樂有節必中其倫

怒箴

怒以行仁不仁胡怒赫赫雷行誠與物遇柰何血氣敗我常度至人養性如火在樹心不氣役氣不心據橫逆之來惟我之故

哀箴

路見罪人潛焉出涕行道弗忍矧寡兄弟聖人節之情以禮制滅性則傷死孝非計然而此言可語上智若夫下愚寧戚勿易

懼箴

詩亦有言無敢戲渝失足卽溺柰何馳驅在獨曰慎遇事曰蕙衆進我退衆伏我起無懼之懼憑之以理

憂箴

春蠶縛絲苦不可脫七情之中惟憂難割偏之卽溺博之卽仁仁民愛物始乎親親燕私則偏理義則正古無至情但有至性

惡箴

人而無惡不仁之尤如以一器而聚薰猶察之必精審之必固勿任私嫌勿徇衆惡苟非大姦容之以度

欲箴

涓滴之漏弗塞則決一星之火弗滅則裂不見可欲主乎清淨如一見之其欲彌盛君子不然克己以敬入乎物中不受物穿食色性也而不謂性

讀書樂

我生不幸不生三代前尼山教兒學不過四詩三百首儀禮十七篇武成只取二三策學易要待半百年憑爾載籍極淹博能讀三墳五典九邱與八索其實挂之不滿一牛角當時便稱大博學我從髮燥便讀書讀之三十年有餘愈讀愈多心如亂髮不可梳初讀十三經一經百家注次讀廿三史別史更無數其餘諸子雜家天地名物詩文藝術不可悉考據朝廷大收四庫開不能一一徧貯芸香臺何況鰥生之腹大如一壺盧焉能讀盡鄴侯插架荀勗廚就令假我彭祖之壽賦我顏淵之敏讀至髮白更黑齒落更生猶恐讀不盡讀不盡愁復愁就我目中所見已足充五乘汗十牛所未見者羽陵委宛堆積如山邱忽然大徹悟抑復大快樂吾生眼福不爲薄古人嘔盡心血揆出

天地之祕鑰嚼爛舌根論定朝野之事畧供我冥思幽討細咀  
嚼快吾意者吾踊躍拂吾意者吾笑噱如聚古人置我一室中  
是非美惡由我恣評泊設使我生秦漢前焉得快讀荀楊劉董  
之真詮馬鄭賈孔之疏箋屈宋韓柳之文章李杜白蘇之詩篇  
何況花變種而益妍石滴澑而益穿後人之知創巧述更勝於  
古所傳我思古之人應妬我富有授不必借伏生口寫不必煩  
孫敬手部奚止乎甲乙丙丁課無間乎辰戌卯卯百萬之富用  
可空四海之大走可窮惟有讀書之樂樂於上青天青天無人  
走得到讀書何人讀得全讀不全樂更樂譬如登天登至半空  
中日月星辰如可摸黃鸝在前長恩推後引我一層上一層不  
知上到何時方住腳

秋林問墓行爲黃琴六茂才

廷鑑作

步出西郭門白楊蕭蕭無所見黃生尋秋日不厭黃生爾何爲  
云有遷虞始祖墓不知埋沒何荒陲東崦孤墳三西崦孤墳四  
草長過人土花紫捫遍殘碑沒黃字里胥來道旁問生何彷徨  
蔣家墓西古祠堂依稀記得江夏黃入祠老屋半傾圯殘碑漫  
滅字可擬誰與識者陶太史貞大書節婦及孝子因祠始識墓  
肅拜溪毛陳子姓恐再迷作圖垂千春作圖匪示我苦心但願  
人人間墓墓卽得世無荒冢埋秋林

哭太傅朱文正師

我朝兩朱公先後爲聖輔高安導其前大興若踵武今  
皇在青宮公實侍邊俎及登政事堂宣力重肱股雖無袞職闕  
親見仲山補要其啓沃功默運在心膂舜學務成昭堯學子州  
父不聞二典中訏謨載何語公誠格于天公疏付諸烜公竟升

日星公心立殿廡

一鄉惜善人一國惜善士公善及天下天下惜公死自公直綸  
扉鼎軸襄上理南溟息鯨鯢西賊靖蜂蠭文章如江河霑漑沒  
涯涘仁義如稻梁饜飮遍遐邇十年相業成朝野方依倚奕  
奕文昌宮一星墜箕尾

或言公學佛頗爲儒者病不知黃老術善用卽孔孟時方擾潢  
池疲俗苦奔命公師蓋公言清靜民自定慈心召祥和澹欲抑  
浮競借彼脩持云佐此寬大政上可媲蕭曹下亦匹魏邴柰何  
一孔儒目論肆譏評一德致太平

天子獨神聖特命繼湯唯州劉諸鼎足謚文正

前詩祇陳公論而未及私誼再哭三首

九歲始識公我如輕儈公如龍四十爲弟子公如蒼松我桃李

坐公春風中我持寸莛公洪鐘別公秋雨裏公淚如潮我袍洗  
公之弟子滿天下何獨拳拳一生者謂我如僕芭我不識奇字  
謂我如邴原我不解經義作詩何益天下事公嗜我詩若嗜斐  
爲位哭公詩當祭

八月十五沈沈雨冠蓋如雲謁公府公於衆中持我裾今日之  
樂吾與汝揮手謝衆賓獨畱一生語我豈如戴崇公實過張禹  
酌我中山醪啖我追復脯衣我盤雕袍贈我松枝麈知我有老  
親令我歸作萊子舞約我明年秋亮月如盤此會補烏虧此會  
何時纔得補我歸兩載公千古

公嘗勗我云子骨清且鯁文章亦如人不墮時俗境使子持文  
衡慎勿取陽鱠之魚吞鉤迎使子持法星慎勿爲立仗之馬瘖  
不鳴公之箴言猶在耳我銜親恤病不起雞骨支牀念灰矣烏

虛此生不出吾負公頭戴北斗悲秋風

屏風曲

霜鐘敲轉北斗柄一星斜隱秋河淨金鵝屏障圍巫峯沈香密  
炷櫻桃紅玉壺碎擣梨花煙濃注湘波七情滿春融四體輕無  
仙從君樂飲回青年紫簫吹落中天月楚雲牽夢銀濤窟

傾城曲

妝罷依然出閣遲天生嬪好越矜持妍媸何事從人問自對斐  
花看幾時

一舸鳴夷入五湖千秋第一美人圖若邪溪上如花女只是難  
逢范大夫

徐節婦貞孝詩

雄龍雌鳳天西東素娥耐冷居瑤宮下妬塵寰老相守竝頭劈

破雙芙蓉延陵有女徐陵適橫被罡風折鸞翼九原拌作死鴛  
鷺俯仰其如死不得上有姑頭已白下有孤子猶赤殉義何如  
守義難一身事育千心力或言徐家婦甘節非苦節其操雖如  
霜其寒未如雪敬姜有論逸則淫自來溫飽移貞心膏梁身冰  
蘖味井水靜無波爐灰死無氣如此堅貞良不易何必勞而截  
耳與斷臂

天眞閣集卷十八終

常熟劉光德局鐫